

# Yeshua, E Hebreo di Dios, Esun ku ta Fiel!!!

Esun ku ta **Fiel** ku kos **chikí**, lo ta **Fiel** ku kos **grandi** i esun ku ta **deshonesto** ku kos **chikí** lo ta **deshonesto** ku kos **grandi** tambe. (**Lukas 16:10**). **Dios** ku ta yama boso ta **Fiel** i **E** lo **Kumpli**. (**1 Tesalonisensenan 5:24**). Pero **Señor** ta **Fiel**, lo **E Fortalesé** boso i **Warda** boso di e **malbado**. (**2 Tesalonisensenan 3:3**). Si nos **no** ta **Fiel** na **Dios**, **Dios** sí ta keda **Fiel** na nos, pasobra **Dios no** por bai kontra **Su Mes**. (**2 Timoteo 2:13**).

## Yeshua, E Hebreo di Dios, Esun ku ta Fiel!!!

**E Palabra** a bira **Hende** i a bin **Biba** meimei di nos. Nos a mira **Su Gloria**, e **Gloria** ku e tin di **Tata** komo **úniko Yu**, yen di **Bondat** i **Fieldat**. (**Juan 1:14**).

**Awor** abo por husa e **palabra Fiel** komo un **abreviashon** ku ta **FIEL!!!**  
**Awor** kiko e **abreviashon FIEL** ta nifiká pa abo?  
**Fieldat** **Invensibilidat** **Eksklusividat** **Lealdat!!!**

**Fieldat** ta nifiká ku e **Hende** aki ta mustra **Honestidat** i **Firmesa** den tur **Su** aktonan **dirigí** na abo.

**Invensibilidat** ta nifiká ku e **Hende** aki ta **Inkontrolabel** i **Inkoruptibel** den **Su** akshon i echonan **dirigí** na abo.

**Eksklusividat** ta nifiká ku e **Hende** aki ta masha **Spesial** i **Úniko** den **Su** **Relashon** ku nos **Dios Tata**.

**Lealdat** ta nifiká ku e **Hende** aki ta **Dediká**, **Konsagrá** i **Rekto** den tur **Su** **Tratamentunan** ku abo.

**Awor**, den **2022**, abo por ta puntra abo mes ku tin un **Hende** ku ta **Fiel** di **Bèrdat** ku abo por pone abo su **Konfiansa** aden?

**E kontesta** ta **Si**, abo mester ta un **Hende** ku ta mustra **Honestidat** i **Firmesa** den tur abo su **aktonan**. Abo mester ta un hende **Inkontrolabel**, esaki kiermen abo ta laga solamente e **Spiritu Santu** di **Dios** kontrola abo. Abo ta **Inkoruptibel**, abo no ta tuma **sen** bou mesa, abo no ta **kibra reglanan** di **Dios**. Abo ta un hende **Special**, **Dios Tata** a **Krea** abo komo un **Úniko** ser **humano** den **Su Imágen** i **Semehansa** pa tin un **Relashon** ku **E**. Pa medio di **Su Palabra Poderoso** **E** ta mantené tur kos. Abo mester ta un hende **Dediká**, **Konsagrá** i **Rekto** den tur abo su **aktonan**.

Tur e kos nan aki posibel, pasobra **Yeshua**, **E Palabra Poderoso** ku a bira **Hende**, ta un **Hende** yena ku **Honestidat** i **Firmesa**. **Yeshua** ta un **Hende** **Inkontrolabel**, niun no por **kontrola** **Esun Ungi**, **E** ta e **Hende** **Inkoruptibel**. **Yeshua** ta **Dediká**, **Konsagrá** i **Rekto**. **Yeshua** ta e **Bèrdat**.

**E Bèrdat** ta e **Lus** ku ta mustra abo e **Kaminda** pa sali for di e **skuridat**.  
**E Bèrdat** ta e **Palabra Poderoso** ku ta e **Kaminda** pa sali for di e **skuridat**.  
**E Bèrdat** ta ku e **Hende** **Yeshua**, **E Hebreo** di **Dios**, **Esun Ungi** ta **Fiel**.

13 mart 2022

Sea Bendishoná ku e **Amor** di **Dios Tata**; **Yeshua Mesias**  
Un **Fiel Sirbidó** di **Dios**,  
**Remsly L Riley**.